

Pronto "MILAGER" lo mira luz

ORANJESTAD—"Milager", esey ta título di e di dos coleccion di poesia nobo di autor y poeta local Belen Kock-Marchena. Ta trata aki di un coleccion di

poesía den dos idioma, esta na Papiamentu, y na Ingles.

Esaki t'e di dos publicacion di e autor local Belen Kock-Marchena. Sonia Lemminga ta percurá p'e portada di e coleccion nobo di Belen.

Mescos cu den e buki anterior "Vibracion di Amor" e artista local Nigel Matthew ta percurá p'e ilustracion. Madonna Stevens, maestro di Ingles a traducí e poemanan na Ingles.

Di e manera aki ta habrí e oportunidad cu e obra aki di Belen Kock-Marchena facilmente por cruza frontera.

Pa trece e buki aki di Belen

den publicidad e poeta y autor ta tene un bautismo tradicional Arubano dia 13 di Juni den Seaport Conference Center.

Madrina di e obra ta e ganador di premio di Aña di Papiamentu, Digna Lacle-Herrera, mientras cu e padrino ta Romeo Kock, jiu mayor di e poeta/autor. Yaya di e buki ta Ria Petronia. Bao di canto, baile y declamacion e coleccion nobo di poesia di Belen Kock-

Marchena ta mira luz. Di e forma aki Belen ta sigui contribuí na literatura Papiamentu. Na 1995 el a bautizá su promé coleccion "Vibracion di Amor" cu pueblonan di habla Papiamentu tanto na Aruba, Bonaire, Corsow, St. Maarten como na Hulanda a ricibié cu braza habrí. E siman despues di e bautismo mes e coleccion "Milager" ta riba mercado den librerianan local. □